

353 حیات

اداره مرکزی :

آنقره ده ، استانبول جاده سنده آنقره
معارف امینلکی یاننده کی دائره

استانبول بورسی :

استانبولده ، باب عالی جاده سنده رسلی پرشبه
اداره خاتمی داخنده کی دائره
تلفون : ۳۶۰۷

نسخی هربرده ۱۰ غرورده .

سنه لکی پوسته ایله ۵ لیرا .
(اجنبی مملکتلر ایچین ۵ دولار) .

ایونه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آنقره مرکزیدر .

هیانه رانما هیانه... ریانه راهایه حیات فانالم...
- نیجه -

۱ نجی جلد

آنقره ، ۲۳ کانون اول ، ۱۹۲۶

صافی : ۴

صاحب

انقلاب و حیات حقنده تلقی

دوماژه وسکینک « انسان و مدنیت حقنده نظریه » اسمنده برکتانی وار . بوراده مؤلف حیوان ایله انسانی مقایسه ایده رکن شویله دیر : « حیوان بردفعه ، انسان ایسه ایکی دفعه دوغار . آتیه و بابا یاوروسنی دنیایه کتیردکن صوگرا بر دفعه ده جمعیت اونی تشکیل ایلهر . » اگر استقلال حربی و انقلاب ایچنده پشه ن نسله بونی تطبیق ایله مک لازم کلیرسه بوکونکی تورک منور زمره سنک اوج دفعه دوغدیغنی قبول ایله مک لازم کلیر . چونکه ظفردن و انقلابدن اولکی تورک و طنداشنک ایناندیغنی ، قیمت ویردیگی فکر و مؤسسهرله بوکونکی قناعتلری آراسنده چوق فرق واردر . دینه بیلیرکه استقلال حربی و انقلاب ، تورک روحنی عادتا یکی باشند تشکیل ایله مشدر .

صوک انقلاب ایچنده اولغونلاشان تورک نسله باقیکز ، بونلر ده اول ایناندقلرینی بیراقشدر ، اولجه لزومنه قانع اولمادقلری مؤسسهر قارشیسنده لاقیدیانه اموز سیلکوب کچرکن بوکون اولرک وجودینه تحمل ایده مز بر حاله کلشدر ، دون ساده جه آغر ویا چوق شعورلی اولارق حسرتی سزدکلری « مفکورینی » بوکون اوغرینه جان ویره جک بر حقیقت اولارق قبول ایله مشلدر . بوندن بش سنه اول مدرسه نک

حیات تلقیری آراسنده کی فرق تحلیل ایله مک کافیدر : اسکی نسلک دیندار وزاهد ده نیلن برقمه کوره ، شویاشادیفغمز حقیقی حیاتک هیچ برقیمتی بوقدی ، بو حیات اصل اخروی سعادتی استحصال ایچون برواسطه دن عبارتدی . دنیاده کچیردی کمز عمرک آخرتده کی سعادتی تأمین ایتمک یارامقدن باشقه بر خدمتی اولامازدی . بویله بر اعتقاد بالطبع دنیوی حیاتمک قوتی غائب ایتدیریر . یاشامق ، قابل اولدینی قادر قوتلی یاشامق ، املنی قیرار . شدید فعالیت ، زنکین ، پارلاق بر حیات املنی او بوشدیریر . مکینجه توکل ، غایت ابتدائی طرزده قناعتکارلق ، هر شئی قضا و قدره عطف ... هپ حیات حقنده کی بو تلقینک نتیجه سیدر . غریبدرکه بوندن بش سنه اولک وارنجیه قادر بعضیلری طادی توکلی قدرجیلکی قیرمق ایچون تورلو تورلو تاویلرله کیریشمشلر ، سعادتنک حقیقی مفکوره نک آخرتده اولماسی اعتقادینی تکذیب ایتمکسزین فردلرک دنیوی حیاته قوت آشیلامغه چالیشمشلردر . حالبوکه بونک امکانی اولامازدی : یا سعادتی ایسته کلریمیزی شویاشادیفغمز حیاته آرایا جقدق او وقت البته توکلک ، قدرجیلک معناسی قالمایا . جقدی ، یا خود حقیقی سعادت بو عالمک خارجنده کوره جکدک ، او وقت شوفانی عمری استحقار ایله جک ، اونی برواسطه دن عبارت کوره جک نه بولورسه ق اونکله اکتفا ایله جکدک . « حقیقی حیات » لک قیمتی حقنده قناعتمز دیکشمده که هر نوع ترقیه مانع اولدینی هر کجه کورولن سجیه لردن قور تولامازدق .

اوکندن کچن برمنورا کتیریا اوکلا قیدانه باقاردی بوکون برچوق تورک کنجک مقتلی اولان بویله بر مؤسسهنک رؤیاسنی کورمکه بیله تحمل ایده مه . بورز . دون « جمهوریت » ک ساده جه تحسرنی حس ایده بیلیردک ، بوکون هرشی بهاسنه اونی محافظه یه عهد ایتمشدر . دونکی منور ایچون ساده جه کندی نقطه نظرینه کوره « دوغرو دوشونمک » کافی ایدی ، ایی دوشوندیکنه ایناندیفغمز فردلر « کامل انسان » ده یه بیلوردق . بوکون یالکز ایی دوشوننه دکل ، دوشوندیکنی اجرا یه قادر اولان ، برشی یاراتا بیلن ، دیکر لرینه وطبیعته مؤثر اولانلر ، ایی وخیرلی و طنداش ، کامل بر فرد ، ده یه بیلوروز .

بوتون بو نشانه لر بزه کوستریورکه یاقین بر ماضیه نظر آ قیمت ویردی کمز حکمر دیکشمشدر . ذاتاً بر تحوله « اجتماعی بر انقلاب » ده یه بیلیمک ایچون اول امرده جمعیت ، ماضیدن آیریش اولمالی ، یعنی ده اول وجدانلرده بر طوتان فکر و مؤسسهردن بر قسمی قیمتی غائب ایتمش بولونمالی ؛ دیکر جهندن یکی قیمت حکملری ، یکیدن اینانیلان فکرلر ... روحلری صارمالیدر . استقلال حربی ایسته بویله حقیقی بر انقلابی دوغور مشدر ، اولجه اینانیلان بر طاقم فکرلر بوکون قورو بر موهومه حاله کلش ، بوکا مقابل بوکون ایناندیفغمز ، حصولی ایسته . دیکمز یکی مفکوره لر دوغمشدر .

انقلابمک تولید ایتدیگی بو تحووک حقیقی معناسی کلا یاییلمک ایچون عثمانلی ایمرطور لغنک صوک دورلرنده مختلف زمره لرله بوکونکی نسلک

واقعا بو دورده بر منور زمره واردی که شو عمرک بوتون محصله سنک ، جزا و مکافاتنک آخرتده کوروله جکنه اینانما یوردی . آنجق بونلرکده (حیات) حقنده مثبت و معین بر قناعتلری یوقدی ، نه ایچون یاشایوردق ؟ سؤالنه مثبت بر جواب و برمش دکلردی . شو عمر آخرت ایچون برواسطه دکله غایه بی دنیاده آرامق و یاراتمق لازم کلیر . حالبوکه تماماً ضعیف روحلی اولان بوزمره کندیلرنده یکی برمفکوره بی تحقق ایتدیره جک هیچ بر قدرت کورمه یور . لردی . دها دوغروسو بونلر برجهتدن اخروی سعادت اینانما مقله برابر دیکر طرفدن فردی حیاتی واونک تماماً مربوط اولدینی ملی حیاتی قوتلندیره جک قدرتی ده حس ایده مه یورلردی .

برجوق تهله که لر قارشینده ملی حیاتی قورومق ایچون مجادله به کیریشن بوکونکی نسلک موفق اولایلیمک ایچون هرشیدن اول کندی قدرته ، ملتک نا محدود حیاتی قوته اینانماسی لازمدی ، اطرافنی صاران دشمنلر اوکا یاشامق ایچون شدید وقوتلی برحیاته صاحب اولمق ، بالخاصه ملی قدرته اینانمق لزومنی اوکره تدی . یاشامق ایچون مجادله ایتدیکه نفسنه و بئلکنی وجوده کثیره ملی جمعیه ایمانی آرتدی . مجادله المیدر ، صیقیتیلیدر . فقط انسان آنجق جدال ایچنده پشه ر ، حیاتک قیمتی آنجق جدال ایچنده آکلار . بر فیلسوف ایلک اول رونه سانسک نه ایچون ایتالیاده دوغمش اولدینی تحلیل ایدرکن مهم برسب اولار قده شونلری سویله یور : « اوزمانده کی ایتالیا پارچه پارچه حکومتلردن متشکلدی ، بو حکومتلرک هیچ برینک قوتی یوقدی ، کیم قوتلی ایسه بیلکرجه خلق اونک حاکمینی الته کچور یوردی . بو حال ایتالیا ده حیاته ، قوته ایمانی آرتیردی . کلسا ، انسانلنی ساده جه خرسقیان جماعتی ایچنده معین عقیده لره صاحب اولمقده کورورکن بودورک ایتالیان نسلی انسانلغنی حیاته و قدرتی اولمغه ایمانده بولدیله . بو صورتله رونه سانس دوغدی ، طبیقی بونک کی اوزون والمی بر مجادله بوکونکی

تورک منورلرینه ملی قدرته واونک بر جزئی اولان کندی قونه ایمانی و حیاتک غایه سنی بونده آرامنی اوکره تدی . بوقناعت اسکیدن وجدانلرک اینانا . بیلدیکی عقیده لری صارصدی . یکی قیمتلر ، یکی اخلاقی تلقیلر دوغدی .

دقتله باقاجق اولورسه ق بوکونکی نسل ، اسکی منورلرک قبول ایتدیکی مفهوملری قوللانیرکن بیله اوکا باشقه بر معنا عطف ایله یور . مثلاً تنظیماتدن بری مملکتده بر زمره واردر که « غرب بیلگی ، غرب مدنیتی » برمفکوره بیلیر . فقط بونلر آنجق بومدنیته ساده جه سومک نهایت تقلید ایده بیلیمک قوتی کندیلرنده کورورلردی . بوکونکی نسلده غرب بیلیدر . فقط بز بو مدنیته مملکت مزده یاراتمق قدرتی کورویورز ، حتی دها ایلری به کیده رک بومدنیته سیرنده اوک صفده بولونمق اقتدارینی حس ایدیورز . مدنی روشده انسانیتک یوکسک برعضوی اولمق ایسته . یورز . بوکونکی بودویغولریمز ، بومفکوره لریمز دونکی « غربی منورزمره » ایچون برموهومه دکلیدی ؟

بوتون بونلر حیات حقنده کی تلقیمزک ، بشاء علیه قیمت حکملرینک ، اخلاقی ایمانلرک بوسبوتون دیکشیدیکنی کوسته رمکه کافیدر . شو حالده بوکونکی متفکرلره ترتب ایده ن وظیفه استقلال حربینک و انقلابک بزه اوکره تدی کی بو حیات تلقیسنی اوکا مربوط اولان قیمت حکملرینی شعورلی برشکه صوقق ، بزدن صوکر کی نسله تلقین ایده بیلیمکدر .

دارالفنونمزک اک مهم ایشی ملی جمعیتمزک بنیه سنده کی بو عظیم تحولی مشاهده ایتک ، مستحانه حالنده قالان عقیده لری و بوکونک وجدانلرینی تطمین ایده جک یکی قیمتلری ، یکی ایمانلری واضح برحاله صوقق دکلیدر ؟

محمد امین



علم حرکتی

فرانسه ده نشر ایدیلن

صوک عمومی تاریخلر مناسبتله

اوروباده شو صوک زمانلرده « عمومی تاریخ » ه عائد بویوک بر فعالیت باشلادی . بوجنس نشریاتده انگلیزله و آلمانلره نسبتله چوق کروی اولان فرانسه ده بیله . حرب عمومینک ختامندن بری ، مختلف عالم زمره لری طرفندن آری آری بلانلرله یازیلقدده اولان مختلف « تاریخ عمومی » لره تصادف ایدیورز : « هائری بهر » ک ریاستی آلتنده و « بشریتک تکاملی » نامیله چیقمقده اولان معظم سلسله باشده اولدینی حالده ، « لوتی هالفن » و « فیلپ سانیاق » ک اداره سی آلتنده « ملنلر و مدنیتلر » کلیاتی ، « قاوه نیاق » ک اداره سی آلتنده « جهان تاریخی » ، « غلوچ » ک نظارتی آلتنده چیقمغه باشلایان دیکر بر کلیات ، « لاروس » ک کتابخانه سنک دها از یاده عمومه مخصوص برماهیتده چیقاردینی اوچ جلدک « جهان تاریخی » ، حتی مشهور « وهلس » ک فرانسه زجه یاده ترجمه اولونان بر جلدک عمومی تاریخی

مختلف ساحه لرده اختصاصلریله طاینمش مختلف عالملرک اشتراک مساعیسه چیقار یلمقده اولان بو مختلف سلسله لرک هبسی ده ، جهان تاریخی حقنده بربرندن فرقلی طرز تلقیلره کوره وجوده کتیر بیلیمکده در . مثلاً « تاریخی ترکیب مجموعه سی » نامیله اپی زمانندن بری مهم بر مجموعه نشر ایدن و بالخاصه « تاریخده ترکیب » نامیله نشر ایتدیکی اثری ایله - لهنده و علیهنده - برجوق کورولتورله سبیت و برهن « هائری بهر » ک « بشریتک تکاملی » عنوانلی سلسله سی ، طرز ترتیبی اوکا سائق اولان تلقیلر اعتباریله دیکر تاریخلردن چوق فرقلیدر : بالکتر اقوام قدیمه و یونان - روما قسمی (۲۶) آری آری جلددن ترکب ایده ن بو کلیاتک بوتون محررلری آراسنده بر « آهنگ و انسجام » اولدینی ادعا ایدیله مزسه ده ، « عمومی پلان » اعتباریله « هائری بهر » ک فکرلری حاکمدر ، و بونکله دیکر کلیاتلر آراسنده بویوک فرقلر واردر . کذلک « قاوه نیاق » ک ۱۳ جلدک کلیاتی ده باشقا بر غایه و پلان کوزه تیله رک وجوده کتیر یلیور : جهان تاریخی حقنده کی تدقیقاتک صوک نتیجه لرینی یوکسک تحصیل کورهن طلبه به و منور زمره به بیلدیرمک مقصدیله ، جهان تاریخی اوروبا تاریخنه و ادوار ماضیه تاریخی ده یقین دورلر تاریخنه کوره نظر اعتباره آلتیق اوزره وجوده کلن بو کلیات ، البته دیکرندن چوق فرقلیدر . « لوتی هالفن » ک « قوملر و مدنیتلر » سلسله سی ساده جه یکریمی جلددن مرکب اولاجقدر ، بو سلسله بی ترتیب لیده نلرده ، جهان تاریخی مختلف مدنیتلرک بربریله